

زاد المؤمن اليومي - الدكتور فريد الانصاري رحمه الله

فريد الانصاري

ايها الاخوة هذه الليلة المباركة سيكون كلامنا بحول الله عز وجل حول مسالك السير الى الله عز وجل او بعبارة اخرى سنركز على الاشياء التي ينبغي للمؤمن ان يأخذ بها اخذا دائميا. يعني ما الزاد الذي ينبغي للمؤمن الا يفرط فيه - 00:00:02
في اي لحظة من لحظات عمره فنحن اذ نتحدث في مجلسنا هذا نتحدث عن مؤمنين مشغلين بالدين ممارسة وبالدين دعوة. ولذلك لا يجوز ان يكون حال هؤلاء المؤمنين كحال سائر - 00:00:26

من الغافلين يجب ان نحاول ان نترقى الى مستوى المؤمنين الذاكرين الله كثيرا وقد ذكرنا في الحصة السابقة ما يسر الله عز وجل حول الذكر واهميته الا ان الكلام اليوم سيتجه بحول الله الى الامور العملية الدائمة التي لا ينبغي التفريط فيها - 00:00:50
والتي هي زاد الداعية الى الله عز وجل زادوا الداعية. هذا الزاد الذي له وظائف متعددة. اهمها مسألتان. المسألة الاولى هي انه سيتزوج لنفسه ولایمانه حتى يستمر في حالة الخير ويترقى فيه. يعني الوظيفة الاولى ديال الزاد ديال الانسان المؤمن - 00:01:18
الداعي الى الله الامر بالمعروف والنهي عن المنكر الوظيفة ديال هاد الزاد هذا يتزود به هو انه الایمان ديالو هو غادي استمر في الاتجاه الصحيح كاين الزيادة لا الى النقصان - 00:01:43

بما ينفعه هو في نفسه هادي اللولة الامر الثاني وهو انه لما يبقى يتزود على الدوام سيجد قوة خاصة في التأثير على الآخرين كثير من الناس اللي ربى تعالى عطاهم علم ولكن ما عندهم قدرة على التأثير في الآخرين - 00:01:57
وكثير من الناس لي العلم ديالهم بسيط ماشي شي حاجة كبيرة. وبهاديك البركة القليلة عندهم قدرة خاصة للتأثير في الآخرين. ما السر في ذلك هو الحال الایماني الحال الایماني الذي يصاحب ذلك الانسان - 00:02:17

فيزكي الله به علمه القليل. ويكون لذلك اثر كبير على الآخرين. بسبب كونه يتزود وتزودوا فان خير الزاد التقوى فاذا هاد التزود مفيد للداعي الى الله وللمؤمن العامل الصالح من حيث انه قلنا كيعطيه جوج ديال الفوائد - 00:02:35

فإذا ذاتية اللي هو وفائدة للآخرين من خالو هو بمعنى انه يكسب حسنتين حسنة بنفسه وحسن بغيره لأنه لما يدعو الى الخير يأمر بالمعروف وينهى عن المنكر ويحجب الله التيسير على يدو كيولي هداك الإنسان لي تصلح على - 00:02:59

ما يرجع اليه من اجر كينال مثل حتى هو هداك الإنسان اللي دلو على الخير وفي الحديث الدال على الخير كفاعله والأساس ديال الإنسان المؤمن فهاد الزمان هو انه يقوم بهاد المهمة هادي - 00:03:19

هذا واجب من واجبات الوقت يعني الوقت ديالنا الواجب الأساسي فيها هو الإنسان اللسان ديالو يكون لسان ديال الأمر بالخير اللسان لي يقرب لله عز وجل كل ما استطاع الإنسان لي الا شاف الأمور ماشي مزيانة شاف منكرات في الطريق او في بيته او في - 00:03:36

في اي مكان يمرض وميعجبوش الحال ويبدا يفكر شنو هي الخطة باش يصلح هداك المرض وهداك الانحراف الواقع هدا هو حال اللي خصو يكون عليه فهاد الزمان كيسميوه العلماء واجب الوقت لأن ملي كتفسد الأحوال ديال الناس كيولي واجب الوقت هو اصلاح الناس اذن - 00:03:56

نتكلم عن الزاد الزاد الله عز وجل دקרו في القرآن الكريم كما دкро سيدنا النبي صلى الله عليه وسلم في السنة النبوية او فتنا تكلمنا على قول الله عز وجل والذين يمسكون بالكتاب واقاموا الصلاة انا لانضيع اجر المصلحين - 00:04:16

هاد جوج ديال الأمور اللي هي التمسيك بكتاب الله عز وجل يعني الأخذ بالقرآن بقوة. والأمر الثاني هو المداومة على الصلاة بل على

اقامة الصلاة واقاموا الصلاة والإقامة ماشي المقصود بها داك المعنى ديال قد قامت الصلاة وقد قامت الصلاة - 00:04:35

صحيح هاديك الإقامة ولكن الإقامة المقصودة هي ان الإنسان الصلاة ديالو قويمة مستقيمة بخشعها وخصوصها وجمالها وأثارها ملي يكون يستعد لها من الدار ديالو بال موضوع ويهمي نفسيا الذات ديالو الصلاة هداك داخل في اقامة الصلاة حتى يدخل - 00:04:58

وهو يحسن ركوعها وسجودها وهو اذا يقيم الصلاة نجيبي واحد الآية اخرى لي كتعضض هاد المعنى باش نوصلو للكلام لأنه مبغيناش نعاودو كلام قلناه من قبل في لقاءات سابقة حول هاد - 00:05:18

المعنى ديال الاستمساك او التمسك بكتاب الله واقامة الصلاة ولكن غادي نوصلو لواحد النتيجة عملية اللي غادي تولي بحول الله عز وجل هي الطبيعة ديالنا العملية التنفيذية التطبيقية وذلك ان هذا - 00:05:34

المذكور في هذه الآية يعدهم على اخر وهو قول الله عز وجل اتلوا ما اوحى اليك من الكتاب واقم الصلاة ان الصلاة تنهى عن الفحشاء والمنكر. ولذكر الله اكبر فهاد الآية هادي فيها زيادة تفصيل وبيان للآيات السابقة والقرآن يفسر بعضه ببعض كما قال علماء القرآن والتفسير - 00:05:48

فهاد الآية هادي لها قوة خاصة كتعلق بالجانب التطبيقي لأن الله عز وجل اعطى فيها امر الى النبي عليه الصلاة والسلام والى كل مسلم كيعطيه امر بتلاوة القرآن اتلوا امر والامر يفيد - 00:06:16

وجوب الا اذا صرفته قرينة الى الندب وهاد الأمر هذا الإنسان باش يقرأ القرآن يفيد الوجوب الا انه ماشي المعنى ديالو ان القرآن واجب عليك تقرأه في كل حال صحيح قراءة القرآن - 00:06:31

كثير من الأحوال نافذة ومندوب ولكن لابد للمؤمن ان يقرأ شيئا من القرآن كييفما كان الأمر اقل ما يقرؤه انه يقرأ القرآن في صلاته ومعروف انه الفاتحة ركن من اركان الصلاة اذن سبّول الأمر الى وجوب التلاوة والقراءة - 00:06:48

اتل ما اوحى اليك من الكتاب شوفو سبحانه الله العظيم هاد الملاحظة العجيبة انه فكتير من الأحيان كييجي الأمر بقراءة القرآن او التمسك بالقرآن كييجي من وراه مباشرة الصلاة قرآن الصلاة - 00:07:06

كما في الآية السابقة والذين يمسكون بالكتاب واقاموا الصلاة وهاد الآية اتل ما اوحى اليك من الكتاب واقم الصلاة جات الصيغة فيها ديال الأمر اتلوا قرا امر واقم الصلاة لخري مجاش فيها الأمر جا فيها الخبر كييمدح الله عز وجل الناس لي شادين في القرآن او شادين في الصلاة كييمدحو - 00:07:22

اما فهاد الآية كيعطيهم الأمر طبقو اتل ما اوحى اليك من الكتاب واقم اقم الصلاة ان الصلاة تنهى عن الفحشاء والمنكر ولذكر الله اكبر ثم اقامة الصلاة او احسان الصلاة ارتبط في القرآن كما في السنة ارتبط بالعمل ديال الدعوة الى الله عز وجل - 00:07:48

هاد الآية قال الله عز وجل واقم الصلاة ان الصلاة تنهى عن الفحشاء والمنكر ولذكر الله اكبر الانسان لما يبدا يهتم بالصلاه ديالو باقامتها غادي يحس بواحد التنوع وواحد التغير في الذات ديالو تغير ذاتي كيتطور ويولي خارج - 00:08:11

يعني المعنى ديال هاد الكلام ان التغير لي كييبدأ يوقع فيه كيكون ذاتي من الداخل ديالو من الباطن ديالو كيحس بأن الأحوال ديالو تتحسن ايمانيا وكيولي من بعد يلقى واحد الرغبة كييوجد واحد الرغبة باش داك الخير يفيض منو الى الآخرين - 00:08:33

ان الصلاة تنهى عن الفحشاء والمنكر تهاك انت ايها المصلي وتجعلك ايضا تنهى الآخرين الصلوات اذا كتخلي الانسان يكون داعية الى الخير بشكل تلقائي ولذلك في الآية الأخرى اللي قرينا فيها تتمة ديالها - 00:08:52

انا لا نضيع اجر المصلحين. ذكر فالخاتمة ديالها الاصلاح اللي رافق الناس الذين يمسكون بالكتاب شادين في القرآن بقوة واقاموا الصلاة والذين يمسكون بالكتاب واقاموا الصلاة انا لا نضيع اجر المصلحين - 00:09:11

فسماهم الله عز وجل في هذا السياق مصلحي بمجرد ما تشد القرآن بقوة وتصلي بشكل جيد ستكون مصلحا عالاش؟ لأنه في الآية اخرى واقم الصلاة ان الصلاة تنهى عن الفحشاء والمنكر - 00:09:30

ولذكر الله اكبر. لأنه لي يخلينا منوصلوش لإقامة الصلاة. امور كثيرة ديال الدنيا. مشاغل الله عز وجل كينهنا كيقول لينا ذكر الله اكبر اكبر من هذه المشاغل ماشي معقول نهائيا الإنسان لي يعيش فتن هاد الزمان انه يتراخي عن صلاته - 00:09:47

خصنا نتعلمو نتعلمو باش في الصلوات ديالنا تكون هي رقم واحد في الاهتمام اليومي للانسان ينعش في الليل ويدا يفكراش غادي يدير غدا اشمن بيعة وشربة خصو يمشي ليها اشمن شغل غادي يسبقو اشمن ادارة غادي يمشي ليها خصو يكون - 00:10:08

الاعتبار ديالو الصلوات الخمس هي اللولة فين غادي تصلي الفجر هاد الصباح؟ مسافر خارج غادي للادارة غادي دير شي شغل فحمرية غادي دير فشي مكان مثلا فين غادي يشدك الظهر؟ رفد لو الله وضرب لو - 00:10:25

احسان غادي تكون عشية فواحد الموضة عند شي واحد فين غيشدك العصر وهكذا المغرب وهكذا العشاء هادي هي اقامة الصلوة واقاموا الصلوة يعني رافدين لها الله ودایرینها في الحساب والاعتبار مشتغلين بها - 00:10:40

ولي رفداها هاد الله غادي يوجد نفسو بعد ايام قلائل استقم على السكة ديال الصلوات الخمس السنوات الخمس ايام الركين ديال الاسلام كما بینا من قبل فإذا هذا معلوم من الدين بالضرورة - 00:10:57

اعمال الاسلام كثيرة الاعمال ديال الاسلام كثيرة بزاف شد فيها انت غير هاد جوج ولا تزد صحيح اركان الاسلام راها اركان الاسلام ولكن هذه الامور اللي محتاجة للدوم القرآن والصلوة - 00:11:16

القرآن والصلوة القرآن الإنسان لابد خصو ييدا يتزود منو. لأن هو زاد الأساس اليومي ديال الإنسان المسلم. لابد من التزود من كتاب الله عز وجل والذين يمسكون بالكتاب هادي امور تطبيقية خصنا نديرو واحد الشكل بحال الطريقة بحال الزاوية صحيح حنا معنداشاي - 00:11:31

ولكن خاص تكون عندنا الاعمال لي خلاها الرسول عليه الصلوة والسلام سارية وجارية الصحابة اوراد يومية واعمال تطبيقية لا يجوز للمسلم انه يكون خالي من هاد الاشياء بصفة نهائية نفسي مرة خصنا نكلفو نفوسنا شوية ديال التعامل - 00:11:53

مع الكتاب حسب الطاقة يوميا خص الانسان المسلم يقرأ من القرآن ما يتزود به زاد وتزودوا فان خير الزاد التقوى اكبر مصدر للتقوى هو كتاب الله عز وجل وعنده اثر في الحضور واثر في الغياب. يقيني يعني بحيث انه دوز عليك واحد المدة متراجعش اية وحدة من القرآن. القلب كيبدأ في القساوة - 00:12:13

تبدا الامور ديالك مكتركبش لما تولي ترجع كثير للقرآن كتلقى واحد الحلاوة بدل القساوة. وتلقى واحد الإنفتاح ديال القلب واقبال ورغبة في الخير الصلوة. فالإكثار من الكتاب يؤدي إلى اقامة الصلوة - 00:12:38

الإنسان المؤمن اذا خاصو يرتب على راسو ورد قرآنی يقرأه يوميا لي ربی عز وجل مكنو من الوقت والطاقة. والقدرة على القراءة باش يستطيع ينجذب جوج ديال الأحزاب يوميا هذا هو الصلب ديال السنة باش كيختم القرآن بشهر - 00:12:56

ويلا مقدرش واردة السنة باش الإنسان يختم القرآن في ربىعن يوم ويلا مقدرش يمكن لو ايضا يقرأ حزب في النار ما يديرشاي جوج د الأحزاب حزب فالنهار حنا قلنا مرة خرى ان حزب فالنهار كيتنقرا فربع ساعة ديال الوقت - 00:13:16

ايلا قرا الإنسان قراءة متوسطة مفيهاش الجرا بزاف مفيهاش الحضر الجرا وما فيهاش البطل بالتجويد وبالقواعد بالفواصل يمكن لو اذن يقرأ بواحد القراءة وسط اربع ساعة رباعي شنو هي رباعي ساعة في الأوقات ديالنا - 00:13:32

ماشي معقول نهائيا وليست ادبا ماشي ادب. مع الله عز وجل ان الانسان يدوخ ساعتين تلت سواعي وهو غير في الضحك قولها وضحك عليها قولها وضحك عليها رباعي ساعة وحدة متعطيهاش لكتاب الله عز وجل - 00:13:52

وهذا مما وردت به الأحاديث انه المجالس ديالنا الى جلسنا فيها وقلنا من كلام الدنيا وضحكنا وما دكرناش الله عز وجل ولا قليل كيولي هداك المجلس يوم القيمة علينا حسرة وندامة - 00:14:05

اي مجلس كيجلسو الإنسان وميدكرش الله فيه ولا قليل يقول النبي صلي الله عليه وسلم الا كان لله عليه فيه ترة يعني ان الله تعالى كيلوم هداك الإنسان ويلوم هاديك الجماعة لي جلسات هداك المجلس - 00:14:20

ان تذكرى الله عز وجل اذا الضحك ديالنا والمزاح ديالنا خصنا نزكيوه بذكر الله عز وجل حنا يوميا كنضحكو يوميا كنمزحو خصنا يوميا نزكيوه هداك الضحك ديالنا وداك المزاح ديالنا - 00:14:35

نزكيوه واحد الربع ساعة ديال القرآن الكريم لي ربی تعالى مطلقشاي لسانو في القراءة وبزاف عليه حزب في النار اقران نص حزب

فالنهر وما يخطيشه القرآن. اللي اتنقل منو يقرأ تمن فالنهر. من الصباح للصبح يهز المصحف - 00:14:50

الحمد لله رب العالمين الفاتحة يكمل التمن ديالو ويسد القرآن هانتا درت الزكا ديال النهر ديالك وغدا ليه قبل ما تفطر ولا من بعد ما تفطر على حساب التيسير اللي عندك عاود هز وقرأ التمن الثاني وعلم البلاصة اللي وصلت ثم التمن الثالث - 00:15:09

والرابع وهكذا حتى تكمل القرآن الكريم. ما كيهمش يدور العام كامل وانت ما كملتوش. اللي خطير هو يدور العام كامل وانت ما قريتوش ؟ هذا اللي مشكل الزاد راه اساس وبالتالي تأكيد غادي ينفع لأن الله عز وجل مجدو رحمة وبشفا للمؤمنين - 00:15:27

وملي تشد القرآن وتغلق الكتاب لأبد تعلق بالدين ديالك واحد الكلمة من القرآن ولا آية من القرآن تخليك تفك وتدبر افلا يتذربون القرآن ام على قلوبنا اقفاله. الانسان المسلم لأبد له من التزود بكتاب الله - 00:15:45

والذين يمسكون بالكتاب خصنا نتصاحبو مع القرآن الكريم نتصاحبو معه باش يبقى تابعنا ديماء نديرو معاك فالسيارة ديرو فالدار شري المساخ كتيرة عمر بيهما المكان اللي كدور فيه. فالمنتسب فين ما مشيت تلقى نسخة باش تبع القراءة ديالك - 00:16:01

إذا تكون كتجابه الله عز وجل اي تستجيب له في أمره سبحانه اتل ما اوحى إليك من الكتاب فأنت تقرأ هذا الكتاب وتبدأ تزود منو وبالتالي تأكيد غادي يعطيك طاقة ايمانية وحرارة خاصة تحافظ بها على الخير اللي عندك وتزيد ثم - 00:16:19

يفيض قلبك بعد ذلك ايمانا وتوجد واحد القوة خاصة في التأثير على الآخرين بسبب ديك البركة ديال القرآن لي كتقرا ويخليك هداك الزاد لي كتزود كيخليك يعني اقرب الى منهج الإسلام ومنهج السنة النبوية في تطبيق - 00:16:40

والاستجابة لامر الله عز وجل في الصلاة واقم الصلاة هاد جوج د الأمور راه لا شدينا فيهم مزيان راه كيكون عندنا واحد الورد عملي من ارفع ما يكون لانه بنص الكتاب وبنص السنة - 00:16:59

تولي اذن كدير واحد الورد ما فيه لا بدعة ولا اي شيء من الأشياء لي يمكن تلاحظ على الإنسان بل هو مأصل بنصوص كتابي وبنصوص السنة النبوية بخصوص الكتاب كتيرة في الحض على القرآن الكريم. بل القرآن كله يحضر على القرآن وعلى الصلاة - 00:17:16

السنة النبوية كذلك شاركت فيكم ما ان تمسكتم به لن تضلوا بعدي ابدا كتاب الله وسنتي والاحاديث في هذا المعنى كثيرة جدا الاستمساك والتمسik بالكتاب تلاوة الكتاب. اتل ما اوحى إليك من الكتاب. واقم الصلاة - 00:17:36

الأمور وفكر ليهم خطط ليهم دير لهم الوقت ديالهم وعمل بهم يوميا غادي ربى تعالى يجعل من الضيق ديالك فرجا وفيينا تعكس لك شيء مسألة غادي تلقى بحول الله الحل ديالها بإذن الله عز وجل. ويجعل لك من البركات يوميا - 00:17:56

هاد الزمن الذي نعيشه هو زمن ديال التحولات مشاهدة حنا نشوفوها. لهاد الوقت هادي تحولات كتتوقع في الأرض. في الإنسان في الناس التحولات الآن التاريخ كيكتب الآن بالحركة لي واقعة في الدنيا - 00:18:15

المسلمين وفي علاقتهم بالكافر وفي علاقة المسلمين بال المسلمين فإذا الإنسان ميكونش غافل ما ندري متى تكون الساعة ما ندري متى يكون الأجل ما ندري ما يكون من تحولات من الخير - 00:18:32

ما يمكنش الإنسان يشوف هادشي كلو كيوقع وهو مايكونش جزء جزء لا يتجزأ من هاد التحولات في الجانب الإيجابي ديال الخير والإنسان فعلًا بهاد المنطق راه خصو يخاف على راسو فعلًا - 00:18:50

يحضروا الخوف من الله عز وجل انه يجي امر من عند الله عز وجل ويلقاوه في حالة ديال الغفلة. حالة ديال الشرود مع ان كتاب الله تعالى موضوع بيننا او اركان الاسلام تطبيقية واضحة في اعمالنا وعلى رأسها الصرا كما قلت - 00:19:05

ان الصلاة هي العمل الدائم من اركان الاسلام بينما الأركان الأخرى معندهاش الطبيعة ديال الديمومة ديال اليوم وغدا. شهادة ان لا اله الا الله وان محمدا رسول الله كافية باش كيقولها الإنسان - 00:19:24

مرة وحده يسلم بها ان كان كافراولي مسلم راه مسلم بها ملي تزداد من كرش مو الى بغا يقولها من بعد كايقولها غير على سبيل النافلة والأركان الأخرى راه باين بأن - 00:19:37

مؤقتة باوقات الزكاة غير اللي عندهم الفلس ومرة فالعام الصيام شهر من السنة الحج مرة فالعام فخطورة قاع مرة فالعام الایمان قدر

عليه كتبى الصلاة هي ذلك المشترك بين المسلمين جميعا على كل حال. لا فرق في ذلك بين غني وفقير - [00:19:47](#)
ولا فرق في ذلك بين مريض وصحيح. تا المريض ما كتسقطش عليه الصلاة ما حد العقل ديالو كاين ولا فرق في ذلك بين مسافر وغير مسافر. تا المسافر ما كتسقطش عليه الصلاة - [00:20:07](#)

ولو كتخفاف عليه وخا كتخفاف عليه بالرخصة ديال صلاة السفر ولكن مع ذلك الصلاة هي الصلاة فإذا راه الطريق الى الله عز وجل الطريق الى الله سلوك الى الله عز وجل يكون عبر سكة الصلاة - [00:20:20](#)

هذا الاسلام طريقة ديالو الاوراد ديالو لي كيوزع النبي صلى الله عليه وسلم على المسلمين في كل مكان. هي كتاب الله وسنة الرسول عليه الصلاة والسلام فكتاب الله راه واضح تكلمنا اشنو خصنا نديرو بيها - [00:20:36](#)

وسنة النبي عليه الصلاة والسلام مختصرة في اتباعه في كل ما اثير عنه وكل ما اسير عنه مجموع في اتباع كيفية عبادته لله عز وجل الأمر لي كان كيعبد به الله عز وجل على الدوام هو صاته عليه الصلاة والسلام - [00:20:53](#)

صحيح انه كان يصوم وكان يتصدق وكان له فضائل كثيرة. ولكن الصلاة كانت هي ارقام واحد من اعماله الحديث الصحيح وجعلت قرة عيني في الصلاة وجعلت قرة عيني في الصلاة - [00:21:14](#)

الصلاه هي اللحظة لي كان النبي عليه الصلاة والسلام يطمأن فيها ويرتاح فيها وكيلقى راسو فيها نعبرو باللغة ديال اليوم لأن يزداد تزاد اليومي ديال العبد الداعي الى الله ولها قوة خاصة - [00:21:30](#)

راه الصلاة الإخوان الكرام راه واحد الهمة من الله عز وجل ماتصورش النعمة لي فيها يفتحك الله عز وجل الباب ويعطيك لحظة يعطيك فرصة. لستم القوة الخارقة منه سبحانه وتعالى. مع الأسف جمهور المسلمين غافلين على الطبيعة ديال - [00:21:50](#)

شنو هي؟ كيصليو ولكن ما كيعرفوش اش كيديرو كيعرفوش اي عمل غريب وعظيم كيقومو به راه كيفتحو باب للاتصال بالله. واحد الصورة عجيبة اذا الأمر فعلنا لي خصنا نردوه جزء من العمل اليومي ديالنا نبرمجوه ونحسبوه كتاب الله عز وجل - [00:22:07](#)

الصلاه كتاب القرآن والصلاه. خص الإنسان ببرمجة يجعل له برنامج ديال القراءة وديال التلاوة وديال التدبر والصلاه راه النبي صلى الله عليه وسلم برمجة انما خصنا نطبقو الله عز وجل يسر لينا القرآن ولقد يسرنا القرآن للذكر فهل من مذكر على حساب الطاقة ديالك وعلى حساب الوقت ديالك وطبيعة العمل ديالك ولكن متكونش - [00:22:31](#)

حافي بمرة كاع اقرأوا ما تيسر منه. راه امر معطي ولكن فعلنا ما تيسر له غير اية اية ما كيظهرليش انه كاين فينا اللي ضعيف لدرجة انه ما قادرشاي اقرأ ولا اتمن فهاد النهار ما يمكنش - [00:22:55](#)

شحال غادي يخصك باش تقرأ تما فالنهار وقلنا حزب لي فيه تمنية كيتقرا فربع ساعة شحال غادي يجي تمن؟ يعني وقت يسير جدا الشيطان لعنه الله لعنه الله كيركن الإنسان الزاوية ديال العجز. والكسيل لا قل ولا اكتر - [00:23:14](#)

مع انه غادي يجي وغادي يقطف واحد الخير كبير جدا من هاديك الأحرف القليلة لي غادي يقرأ من القرآن الكريم تشجيع ديال النبي صلى الله عليه وسلم على قراءة القرآن لي شجعنا فيه بأن لكل حرف كنقراؤه من القرآن بحسنة والحسنة بعشر امثالها فقال عليه - [00:23:34](#)

الصلاه والسلام لا اقول الف لام ميم حرف ولا ميم حرف وشجعنا النبي صلى الله عليه وسلم في الحديث اللي رواتو عائشة رضي الله عنها انه اللي قرأ القرآن وهو ما هربه يعني كيقرأه وهو سهل عليه اما - [00:23:54](#)

حافظين ما كيقرأ العربية مزيان الكرام سفره الكرام البررة اللي هوما الملايكة الحفظة ديال القرآن الكريم راه معاهم اللي كيقرأهم هو محن بيه يتعتع فيه محن بسبب انه معندوش واحد القدرة على قراءة العربية مزيان او انه ممولفشي يقرأ لا اقل ولا - [00:24:11](#)

يمكن كيعرف الحروف مزيان ولكن ما مولفشي. او انه يدهش البصر ديالو هداك عندو اجران. اجر ديال القراءة لي عند الناس لي كيقرأ واجر ديال ديك المحنة لي محن مع كتاب الله عز وجل - [00:24:33](#)

لأن الله تعالى عطانا الأمر باش نشدو الكتاب بقوه. كما قال ليحيى يا يحيى خذ الكتاب بقوه. المسلمين كلهم قال لهم والذين يمسون بالكتاب والتمسك بالكتابة حنا قلنا يعني هو ان الانسان يهتم بكتاب الله عز وجل على انه كتاب من الله ورد - [00:24:48](#)

الانسان هو انت وانا والاخور والاخور كل واحد فنفسو مخاطب بهذا الكلام الذي هو في القرآن خصنا نتعلم نلقاء نفوسنا في القرآن نلقاء الزواج ديالنا بالقرآن. ملي تقرأ القرآن قلب على راسك فيه. فين موضعك منو؟ مع هادو ولا مع هادو؟ ويلا مع هادو اشمن بلاصه؟ القدام ولا اللور ولا الوسط؟ هذا هو - 00:25:08

قراءة القرآن وهذا نوع او باب من ابواب التمسيك بالكتاب والتلاوة ديال الكتاب بهاد الشكل غادي تلقى راسك كتعلم من القرآن الكريم 00:25:29 كتعلم وايضا غادي تلقى بأنه بالانضباط ديالك الأوقات ديال الصلوات -

واداء اغبها او كلها في المسجد والجامعة غادي تلقى راسك كتنضم هاكلدك وهذا مجريب ملموس. ملي كيتخرق ليه الشغل كنلقي راسي راني الصلاة مبقيتش نمشي للجامع كنعاود نرد البال لراسي او نركز علجمع فإذا بها الملفات بوحدها كتقاد - 00:25:48 هاد المسألة تقادات وهادي ركبت وهادي تصاوبت فإذان الإرتباط بمواعيد المسجد كيخلي الإنسان كيتنظم فحياته واخا هو تكون الطبيعة ديالو منظماش يتنظم بشكل تلقائي ومايمكنش للإنسان يكون صالح مصلح هو فيه الفوضى فمخو وفطبيعتو وفحياته مايمكنش لأن الإصلاح هو ضد الإفساد - 00:26:09

والفوضى فساد ولا فساد والصلاح والصلاح نظام وانتظام ونسق مقاد اللي مخربقة لو فعلا صلاته راه كيكون مخربق فكشي لو فإذان لا يكون له ولا انتظام ولا نسق وما يمكنش الفوضى تصلح مستحيل - 00:26:34 لا يصلح الفوضى الا نظام. والانسان لي ما يصليش في الاوقات ومرتبط بالجماعات راه عنده الفوضى. اذن خصو يحبس هاد الفوضى. قضي عليها وفي اقرب وقت باش يستطاع فعلا ينظم فحياته - 00:26:52

ويستطيع راسو كيتزود لأن الزاد خصو النظام مقاد بحال الدوا مخربقة يضرك فالدوا خصو يكون منظم اذا الدواء ديالنا اللي يمكن نعطيوه نفوسنا وللآخرين هو الدواء اللي جا به الله عز وجل في القرآن الكريم - 00:27:07 والله ملي عطانا الدوا عطاه لنا منظم وامرنا باش ناخدوه منظم لأن الصلاة كانت على المؤمنين كتابا موقوتا وما يمكنش الإنسان ينظم بوحدهو لأن الله تعالى نظمنا فالجامعة شكون واحد بوحدهو؟ ففرض علينا صلاة الجمعة - 00:27:25 فرضنا كليا يعني على العموم. ملي بقى غايب عن الجمعة مدة طولية مشي غادي يتخرق انما يأكل الذئب من الغنم القاسية يعني البعيدة اللي مطرفة محلية لهيه كتشوفو السبع ولا الدibe ولا التعلب ولا الضبع ولا اي حيوان مفترس يهجم على الفرك ديال - 00:27:47

الغنم ولا ديال الغزال ما كيقدرش يواجهو كامل كيفتتو ويتفدو باش كيتفرق وتشرد شي وحدة عليمن كيتبع هاديك لي شربت والجمعة كيخليها انما يأكل الذئب من الغنم القاسية وابليس لعن الله كيعكز بنادم ويتنقلو الركابي - 00:28:10 الجامع سبحان الله العظيم تقلو الركابي علجمع ويتنقلو الركابي على الصلاة وخا راه ما بينو وبينها غير شبر وبيطئو عالوقت باش كيقطتنا عالوقت ايوا مزال الحال نزيدو غير هاد الكلمة ايوا مزال الحال نزيدو غير هاد الكاس ديال اتاي ايوا مزال الحال تا كيمشي الوقت - 00:28:30

ثم ملي الإنسان يجفو ابعد على القرآن مدة طولية مغاري تكون النتيجة ديالو الا هذا وهو انه هل ابليس يتقل له الركابي وفوقاش تكولي نتا صعيي على ابليس. يقدرش يوصلك - 00:28:47

كتكون محصن بكتاب الله هو الحصن الحصين ديال المؤمن باش ميوصلوش ابليس ان ابليس ميكروب غير كيدخل كيضرب جهاز المناعة في الانسان. جهاز المناعة ديالو هو الصلاة ديالو - 00:29:04

ولهذا كتلقاو القرآن الكريم هاد الجمع بين القرآن والصلاه. ماشي عشوائي لا مبني على حكمة وعلى علم علم عليم خبير سبحانه تعالى والذين يمسكون بالكتاب واقاموا الصلاة انا لا نضيع اجر المصلحين. اتل ما اوحى اليك من كتاب ربك واقم الصلاة - 00:29:18

الصلاه تهنى عن الفحشاء والمنكر ولذكر الله اكبر. اقول قولي هذا واستغفر الله لي ولكم والسلام عليكم ورحمة الله وبركاته. ودوما يتجدد اللقاء بمشيئة الله - 00:29:40